

**1015.***ohne Datierung****Jacof Widman bekennt eine Schuld.***

*fol. 189v* <sup>(a)</sup>Jacoff Widman hat bekanth, daz er synis brudirs gotseligen gelaszen kindern redelicher schuld czu gelde schuld ist, daz om dy frunde czu besserung synir narung von der kindir weyn gelihen haben 10 schogk nuwir gr der nuwen muncz, 9 d vor 1 gr, daz er Nickel Widmans, seyns brudirs, seligen gelaszen kindern uszrichten sal, wenne sy czu mundigen jaren komen addir andern iren vormunden und hat sulche 10 ß gr mit Erhart Czingken vorwert, der vor dem rathe vor sulche were gelobit und dy mit seyn husze vorphant hat, ab dy kindir addir ire vormunden nicht bezalt wurden, daz sy sich sulchir 10 ß gr vor ydirmenlichen irholen mogen.

*a) alles durchgestrichen***1016.***ohne Datierung****Peter Musser und Jacoff Resche übernehmen die Vormundschaft über Nickel Widmans Kinder und verwalten deren Besitz.***

*fol. 190r* Peter Musser und Jacoff Resche haben bekanth, daz sy von Nickel Widmans seligen gelaszen gute und der kindir vormunden, auch enphanen haben 10 ß gr der geschr(iebenen) were ye 9 d vor eyn gr des iczlichen 5 ß gr czu sich genomen hat, daz sy den kindern, wenne sy czu mundigen jaren komen addir iren vormunden uszrichten sullen. Und Jacoff Resche hat dy 10 ß gr mit seyn husze <sup>(a)</sup>in der Rosengassze czum phande<sup>a)</sup> und slyffwergk vorwert und verphant, ab dy kindir addir ire vormunden nicht bezalt wurden, daz sy sich der 10 ß vor ydermenlichen irholen sullen. Auch hat Petir Mussen gereth, daz er der kindir eyns czu sich nemen, daz mit essen, tringken, schuwen und tegelichen cleydung unbeschedigit synen hauptgute vorsorgen wil.

*a-a) am linken Rand, Einfügestelle gekennzeichnet***1017.***1456 November 14****Peter Negfisch übernimmt die Vormundschaft über ein Kind und verwaltet dessen Geld.***

*fol. 190r* <sup>(a)</sup>Peter Negkisch hat auch bekanth, daz er des selben geldes von der kinder weyn enphanen und czu sich genomen hat 13 ß 20 gr ye 9 d vor 1 gr